



Umsögn Ísorku ehf. um drög að frumvarpi til laga um breytingu á ýmsum lagaákvæðum um skatta (ívilnanir vegna vistvænna ökutækja o.fl.)

Ísorka ehf. fagnar framlögðum tillögum til breytinga.

Sér í lagi fögnum við breytingum er snúa að niðurfellingu gjalda á heimahleðslustöðvum og vinnu við uppsetningu þeirra.

Þær ívilnanir munu aðstoða rafbílaeigendur við að koma upp varanlegri og öruggri lausn til hleðslu rafbíla með minni tilskostnaði en verið hefur.

Við teljum mikilvægt að réttur húsfélaga sé einnig tryggður þegar komi að ívilnunum við uppsetningu enda algengt að sú framkvæmd sé á hendi félags en ekki einstaklings þegar kemur að fjöleignahúsum.

En á móti harmar Ísorka enda ívilnana til tengiltvinnbifreiða 31.12.2020. Í dag er það skortur á afhendingu rafbíla frá framleiðendum sem tefur orkuskipti á fólksbílum. Einnig er skortur á framboði stærri fjölskyldubíla í flokki hreinna rafbíla.

Sökum þess hafa margir nýtt sér kosti tengiltvinnbifreiða þar sem bið eftir nýjum bíl hafa staðið í vegi fyrir fjárfestingu.

Á meðan við búum við þær aðstæður að ekki sé nægt magn hreinna rafbíla í boði og afköst á framleiðslu þeirra tefji orkuskipti teljum við ótímabært að stöðva ívilnanir til tengiltvinnbíla.

Óttumst við að margir munu fjárfesta í nýjum jarðefnaeldsneytisbíl fremur en að bíða eftir hreinum rafbíl og/eða fjárfesta í dýrum tengiltvinnbíl án ívilnana.

Leyfum umhverfinu að njóta vafans.

Virðingarfyllst,
Ísorka ehf
Skeifunni 19
108 Reykjavík



Sigurður Ástgeirsson
Framkvæmdastjóri